

Broj: 01/01-2214-8/6-2022
Sarajevo, 08.11.2022. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14), na Preporuku Komisije za javnu nabavku broj: 01/01-2214-7/6-2022 od 02.11.2022. godine, u postupku nabavke: Hemikalije, **LOT 2- Hemikalije za molekularnu biologiju**, Dekan Univerziteta u Sarajevu - Prirodno-matematičkog fakulteta donio je

ODLUKU

o izboru najpovoljnijeg ponuđača

Član 1.

Prihvata se Preporuka Komisije za provođenje postupka nabavke, broj: 01/01-2214-7/6-2022 od 02.11.2022. godine i ugovor za nabavku: **Hemikalije, LOT 2- Hemikalije za molekularnu biologiju** dodjeljuje se ponuđaču **MIKRO+POLO d.o.o. Sarajevo** čija ukupna cijena ponude iznosi **15.705,00 KM bez PDV-a**, kao najbolje ocijenjenom ponuđaču.

Član 2.

Izabrani ponuđač dužan je u roku od **5 (pet) dana** od dana zaprimanja ove Odluke, na adresu Univerziteta u Sarajevu - Prirodno-matematički fakultet, Zmaja od Bosne 33-35, 71000 Sarajevo dostaviti originale ili ovjerene kopije dokaza traženih tačkom 7. Tenderske dokumentacije, ne starije od 3 (tri) mjeseca od dana predaje ponude, računajući od dana dostavljanja ponude.

Član 3.

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

Član 4.

Ova odluka objavit će se na web-stranici www.pmf.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Postupak javne nabavke pokrenut je Odlukom o pokretanju postupka javne nabavke: **LOT 2- Hemikalije za molekularnu biologiju**, broj: 01/01-2214/2-2022 od 07.10.2022. godine. Obavještenje o nabavci broj: 29340-1-1-94-3-65/22 objavljeno je na Portalu javnih nabavki dana 07.10.2022. godine i u Službenom glasniku BiH br: 69, dana 14.10.2022. godine.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 24.10.2022. godine, tendersku dokumentaciju preuzeli slijedeći potencijalni ponuđači: EKAPIJA DOO, SEMIKEM D.O.O. SARAJEVO, PROIZVODNJA I TRGOVINA „PHARMAMED“ D.O.O. TRAVNIK, EMGEN DOO, SARTORIUS LIBRA ELEKTRONIK D.O.O., AB MEDIC D.O.O, MEDICHEM D.O.O., KEFO D.O.O. ISTOČNO SARAJEVO, KRAJINAGROUP D.O.O. BANJA LUKA, "TUZLA-FARM" D.O.O. TUZLA, MEDIC BH D.O.O., MIKRO+POLO D.O.O., SINEKS LABORATORIJA D.O.O. BANJA LUKA.

Iz Izvještaja o pitanjima i odgovorima u vezi sa tenderskom dokumentacijom, vidljivo je da je u periodu koji je ostavljen za dostavljanje pitanja i odgovora, ponuđači nisu postavljali pitanja u vezi pojašnjenja tenderske dokumentacije.

Iz Zapisnika o otvaranju ponuda vidljivo je da je Komisija za provođenje postupka nabavke dana 24.10.2022. godine sa početkom u 10:40 sati po redosljedju zaprimanja izvršila javno otvaranje blagovremeno prispjelih ponuda:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	„MIKRO+POLO“ d.o.o. Sarajevo	Da	01/01-2214-1/6-2022	18.10.2022.g. u 10:35 sati
2.	„AB MEDIC“ d.o.o. Sarajevo	Da	01/01-2214-2/6-2022	21.10.2022.g. u 12:27 sati

Na javnom otvaranju ponuda nisu bili prisutni predstavnici ponuđača.

Zapisnik o otvaranju ponuda je zajedno sa zapisnikom o prijemu ponuda prosljeđen dana 25.10.2022. godine putem E-mail-a ponuđačima koji su blagovremeno dostavili ponude.

Komisija za provođenje postupka nabavke sačinila je sažetak primljenih ponuda kako slijedi:

Redni br.	Naziv i sjedište ponuđača	Ponuđeni popust	Ukupna cijena ponude
1.	„MIKRO+POLO“ d.o.o. Sarajevo, Pijačna 14K, 71210 Ilidža - Sarajevo	0,00 KM	Cijena ponude bez PDV-a 15.705,00 KM 0% popust Ukupna cijena ponude sa uračunatim popustom bez PDV-a =15.705,00 KM PDV na cijenu ponude= 2.669,85 KM Ukupna cijena za ugovor 18.374,85 KM sa PDV-om
2.	„AB MEDIC“ d.o.o. Sarajevo, Marka Marulića 2b, 71000 Sarajevo	0,00 KM	Cijena ponude bez PDV-a 14.282,00 KM 0% popust Ukupna cijena ponude sa uračunatim popustom bez PDV-a =14.282,00 KM PDV na cijenu ponude= 2.427,94 KM Ukupna cijena za ugovor 16.709,94 KM sa PDV-om

Komisija za javne nabavke sastala se 24. 10. 2022. godine sa početkom u 10:40 sati, radi pregleda i ocjene ponuda, odnosno da bi utvrdila da li su ponuđači ispunili uslove koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije i da li su kvalifikovani za nabavku predmetne robe.

Iz Zapisnika o pregledu i ocjeni ponuda je vidljivo da je Komisija na osnovu uvida u ponudu „AB MEDIC“ d.o.o. Sarajevo i stručnog mišljenja člana Komisije, od 25.10.2022. godine, konstatovala da je iz sadržaja dostavljene ponude vidljivo da je ponuđač na strani 4 od 6 Aneksa 3, stavka 34. ponudio pakovanje od 250 grama umjesto 2 pakovanja po 100 grama. U skladu sa navedenim, Komisija je utvrdila da ponuđena količina robe ne zadovoljava tehničku specifikaciju predmeta nabavke.

Na osnovu svega gore navedenog, Komisija je konstatovala da Ponuda "AB MEDIC" d.o.o. Sarajevo ne ispunjava zahtjeve Ugovornog organa utvrđene u Tenderskoj dokumentaciji za navedeni predmet nabavke, jer ponuđena roba ne zadovoljava tehničku specifikaciju iz Aneksa 3 Tenderske dokumentacije.

U tački 8. Sadržaj ponude i način pripreme ponude TD je propisano da su Ponuđači obavezni da pripreme ponude u skladu sa zahtjevima i uslovima koji su utvrđeni u ovoj Tenderskoj dokumentaciji.

Budući da je članom 68. stav (4) tačka i) ZJN propisano da ugovorni organ obavezno odbacuje ponudu koja nije potpuna i ne ispunjava uslove iz tenderske dokumentacije, Komisija za javne nabavke, imajući u vidu prethodno navedeno činjenično stanje, je konstatovala da je Ponuda ponuđača "AB MEDIC" d.o.o. Sarajevo neprihvatljiva. U skladu sa prethodno navedenim zakonskim odredbama i Tenderskom dokumentacijom, ponuda je ocjenjena kao neprihvatljiva, te kao takva nije uzeta u dalje razmatranje.

Nakon pregleda i ocjene ponuda, Komisija za provođenje postupka nabavke je utvrdila da ponuđač: „MIKRO+POLO“ d.o.o. Sarajevo ispunjava sve minimalne uslove za kvalifikaciju tražene tenderskom dokumentacijom, te je njegova ponuda ocjenjena kao prihvatljiva.

U skladu sa navedenim, Komisija je konstatovala da je ponuđač „MIKRO+POLO“ d.o.o. Sarajevo dostavio ponudu u iznosu od 15.705,00 KM sa uračunatim popustom bez PDV-a, što prekoračuje predviđeni budžet. Komisija je dopisom broj: 01/01-2214-4/6-2022 od 27.10.2022. godine zatražila instrukcije za nastavak provođenja započete procedure od prodekana za opće poslove i finansije i šefa računovodstva s obzirom da: stav e) člana 69. ZJN propisuje da je ugovorni organ obavezan poništiti postupak javne nabavke u slučaju da cijene svih prihvatljivih ponuda su znatno veće od osiguranih sredstava za predmetnu nabavku.

Međutim, Agencija za javne nabavke Bosne i Hercegovine, dana 23.09.2015. godine, je za potrebe jednog od prethodnih postupaka dala mišljenje, broj: 04-02-1-3274-1/15 u kojem stoji da je pojam „znatno veće cijene“ relativan pojam koji ovisi od niza faktora, te da „u situaciji kada cijena najniže ponude prekoračuje proračun, postoje dva jednako raspoloživa izbora: da se poveća proračun i dodijeli ugovor ili ukoliko je to nemoguće, postupak se poništava“.

Dana 02.11.2022. godine data je saglasnost Prodekana za opće poslove i finansije Fakulteta i Šefa računovodstva za nastavak provođenja postupka nabavke, jer će zbog bitnosti predmeta nabavke izdvojiti nedostajuća finansijska sredstva i povećati budžet.

Kao što je navedeno u Tenderskoj dokumentaciji i Obavještenju o nabavci broj: 29340-1-1-94-3-65/22 od 07.10.2022. godine za predmetnu nabavku predviđeno je provođenje E-aukcije, a s obzirom da je pristigla samo jedna prihvatljiva ponuda, E-aukcija se nije mogla zakazati u skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj: 66/16), nego se postupak okončava u skladu sa članom 69. Zakona.

U postupku donošenja ove odluke, posebno su ocijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, dekan Univerziteta u Sarajevu - Prirodno-matematički fakultet nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Shodno navedenom, Komisija za provođenje postupka nabavke je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu Prirodno-matematičkog fakulteta da se u predmetu nabavke: *Hemikalije LOT 2- Hemikalije za molekularnu biologiju* donese Odluka o dodjeli ugovora ponuđaču *MIKRO+POLO d.o.o. Sarajevo*, čija cijena ponude iznosi 15.705,00 KM bez PDV-a.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Akt obradio: Jasmina Mujkić, dipl. jur.



DEKAN FAKULTETA

Prof.dr Nusret Drešković

Dostaviti:

- AB MEDIC BH d.o.o. Sarajevo
- MIKRO+POLO d.o.o. Sarajevo
- Dosije nabavki
- a/a